

春天都睇了,夏天仲会远吗? 细细个天口热嘅时候,就讲笑话想匿入冰箱度降温,可见“冰箱”呢件事已经渗入大家嘅DNA。现在,冰箱为咗满足大家精细化日常需求,功能、造型都会细化。今个夏天冰箱又可以点样玩,Color带大家一起睇睇!

奇兵/文 奇兵、品牌官网/图

## 小身材

## 大冻作



### 颜值“保鲜”神器

现代人对生活好有追求好多新晋美妆品、护肤品都标榜自己无添加纯天然,为咗令佢里面嘅“天然嘢”keep住最佳状态,好多时都会需要“低温保鲜”。将化妆品放入普通冰箱,好容易同里面嘅生鲜食物互相污染,可能仲会窜味影响使用感受。而美妆冰箱除咗小巧美观,方便靓仔靓女放嘅梳妆台上之外,一般自带杀菌功能,温度区间更温和、更适合化妆品嘅储存;部分贴心嘅品牌,仲会把小小嘅空间再细分出唔同嘅温控区域,便于特定系列嘅商品更好咁,唔适当嘅温度中保存。歌岚嘅美妆冰箱,设有一个40°C面膜加热舱,冷冻保鲜面膜只需5分钟即可升温,热敷暖心又美丽加分;康佳推出嘅美妆冰箱将外观直接设计成镜面,放嘅台上可以当埋镜用,而且佢仲加载咗人工智能AI技术,实时监测你嘅“颜值数据”,提供各种美颜参数,简直就係你专属嘅桌面“美容导师”。



### 复古当时兴

后生仔女中意潮,呢个潮里面亦有好多复古嘅元素。相比起造型精致、外观华丽,体积豪华嘅多功能智能冰箱,复古风就算係冰箱界嘅一股清流。除咗满足日常储存物品嘅需求,但嘅怀旧有味道嘅造型,会令到冷冰冰嘅家居环境增添一丝温馨,令你嘅小空间更有“家”的味道。“蜗居”沙发,取出小冰箱内的冰镇小吃,瞬间治愈由朝到晚的疲倦。复古嘅小冰箱外形简约,颜色鲜艳,上世纪50、60年代特有嘅敦厚圆角设计,“那时候”嘅感觉一下子拉满。好似斯麦格嘅复古冰箱体积较细,容量亦相对少啲,自然耗电量都会递减;而且佢外壳有好多种颜色可以拣,更适合独居嘅年轻人使用。



### party time“管家”

客厅有茶几,厨房放冰箱,好似已经係大众家庭嘅普遍做法。But,当你坐落客厅煲剧睇波,或者係一班friend玩到正嘅时候,想叹杯冻野解渴,你会愿意打断热火朝天嘅兴致,行去厨房吗……创维茶几冰箱帮到你,佢将茶几同冰箱结合,个样好似普通茶几咁,睇得又放得,拉开抽屉就秒变百宝冰箱,饮料零食应有尽有;除咗普通嘅冰箱功能,佢特别设计嘅桌面仲配备煲水、无线充电等等功能区域,一张茶几多功能合一,怪时、怪力、仲怪空间,真係一个客厅“妙管家”。原来有茶几嘅方便,都可以考虑下造型特别嘅迷你冰箱,哈士奇透明柜门冰箱,内置物品一目了然,招呼朋友好方便;科敏迷你小冰箱造型似行李箱,制冷温差有28°C,家用、车载皆可,好睇又实用。



## 宅家办公


## 提速指南

受疫情影响,部分打工仔不得不开启居家办公模式,宅家一时爽,但一直宅,好容易就变“懒惰”影响工作效率……保住份工同保住“绿码”一样重要,不妨添置翻一啲好物,打造高效又舒适嘅工作氛围感,居家办公幸福指数即刻up up up!

陈祉伶/文 品牌官网/图

### “姿势”要实际

上班族离开手机、电脑,一不小心做咗“低头族”,不但对颈椎不友好,容易造成双下巴。一啲可以自由调节高度同角度嘅多功能支架,可以随时帮你搵到自己嘅专属维度,用最舒适嘅姿态投入工作,效率自然就提升;现代打工仔鼠标、键盘都係必备嘅“握食架撑”,最紧要係“啱手型”,顺应手势嘅按键同流畅顺滑嘅拇指滑轮,俾你非一般嘅装备新体验,符合人体工学设计,就算长时间输出都完全ok;仲有可以根据每个人身型自动调节嘅靠垫,係你久坐不累的秘密武器,无论宅家定坐班都keep得住最佳状态,几时都可以效率冲天。



### 氛围要到位

屋企太温馨,有时真係好难让人进入工作状态,呢个时候就需要一啲氛围感“好伴侣”嚟帮手!音乐就是最好嘅氛围“催化剂”,沉浸办公状态需要BGM加持,整翻台细细咁嘅蓝牙音箱傍住,让振奋工作士气嘅音乐为你加油,瞬间能量爆棚,工作效率急速提升。对住工作一整天,要放松呆滞嘅神经,添翻台好睇又好闻的香薰加湿器就变得相当有必要;水雾柔润细腻,屈咗室内也能感受“春雨洗过的空气”,再滴上两滴精油,香气满屋,仪式感同氛围感立即拉满!仲有各种鬼马造型添趣味,心情同眼仔都得到安慰。伴着幽香工作,感受片刻嘅relax,工作效率也能成倍提高。



### “战场”要整齐

抬面係办公嘅“主战场”,大家都习惯将电脑、文具都放咗伸手可及嘅地方,嘢一多就容易乱,太拥挤嘅办公“战场”,或多或少会阻碍你技能嘅发挥,仲好影响你嘅心情添,呢个时候收纳神器就好重要啦。例如近来好兴嘅金属洞洞板,搭配任意挂取嘅钩仔、收纳盒使用,令置物空间向上延伸,充分利用墙面空间;仲有唔同形态嘅收纳架,分类整理文件、归类零碎小物、重整杂乱工具……样样皆能。不被繁琐的物品干扰工作思路,心情靓靓应对工作同挑战,状态满分就perfect晒啦。

